



Գերմանիայի
Դաշնային Հանրապետության
դեսպանություն
Երևան

ՄԱՍՆԱԿՑՈՒԹՅՈՒՆ ՑՈՒՑԱՀԱՆԴԵՍԻՆ

Գերմանիա, Բեյլգիա, Լյուքսեմբուրգ, Շվեդիա

Դիմում ներկայացնելու փաստաթղթերը

Դիմում ներկայացնելու համար անհրաժեշտ է **ձեռք բերել պայմանավորվածություն**: Պայմանավորվածություն կարող էք ձեռք բերել **միայն առցանց (օնլայն)**: Օնլայն-հերթագրման համակարգ կարող էք մուտք գործել դեսպանության կայքէջի միջոցով՝ www.eriwan.diplo.de:

Դիմում հանձնելիս անհրաժեշտ է անձամբ ներկայացնել ստորև նշված փաստաթղթերը:

Բոլոր այն փաստաթղթերը, որոնք գերմաներեն կամ անգլերեն չեն, պետք է ներկայացնել ոչ նոտարական թարգմանությամբ:

Փաստաթղթերը պետք է ներկայացնել նշված հերթականությամբ դասավորած: Բոլոր փաստաթղթերի պատճենները անհրաժեշտ է ներկայացնել **A4 ֆորմատի թղթի վրա**:

Դեսպանությունը խնդրում է փաստաթղթերը չդնել թափանցիկ կամ այլ թղթապանակների մեջ, չկարել, չամրացնել: Դեսպանությունը հասցեագրած ֆաքսերը և գրությունները չեն տեսակավորվում, չեն դասավորվում:

Գործերը պետք է հանձնել ամբողջական՝ ներկայացնելով հուշաթերթիկում նշված բոլոր փաստաթղթերը: Գործերը կրնադնվեն և կքննվեն այնպես, ինչպես դրանք կներկայացվեն ամբողջական օրը: Որոշումը կկայացվի ըստ առկա փաստաթղթերի: Հավելյալ փաստաթղթեր ներկայացնել հիմնականում հնարավոր չէ: **Դեսպանությունը խնդրում է համոզվել, որ գործ հանձնելու համար առկա են անհրաժեշտ բոլոր փաստաթղթերը:**

Դեսպանությունը նշում է, որ, համաձայն Կացության մասին օրենքի §82-ի, յուրաքանչյուր դիմող պարտավոր է ապահովել դիմումի լիարժեքությունը, որն է փաստաթղթի բացակայության դեպքում դեսպանությունը համարում է, որ այն չի կարող ներկայացվել: Առանձին դեպքերում, սակայն, դեսպանությունն իրեն իրավունք է վերապահում պահանջել լրացուցիչ փաստաթղթեր:

Լիարժեք դիմում ներկայացնելը վիզա ստանալու համար դեռևս բավարար հիմք չէ:

Հայաստանի քաղաքացիների համար այցագրի վճարը որպես կանոն կազմում է 35 եվրո: **Այն պետք է մուծել փաստաթղթերը հանձնելիս՝ համարժեք ՀՀ դրամով:** Մինչև 12 տարեկան երեխաների համար այցագրի վճար չի գանձվում:

Վիզաների վճարներից ազատվելու մասին տեղեկությունները տես [հղում](#):

Անհրաժեշտ փաստաթղթեր

- գերմաներենով կամ անգլերենով, լիարժեք լրացրած դիմում-հարցաթերթիկ: Այն կարող էք գտնել մեր ինտերնետային էջում՝ [Videx-Antragsformular](#)
- 2 նոր, բիոմետրիկ լուսանկար, մեկը խնդրում ենք ստանձնել դիմում-հարցաթերթիկին (մյուսը կվերադարձվի հարցազրույցից հետո)
- բժշկական ապահովագրության վկայագիր շենգենյան բոլոր երկրների համար, մեկ պատճեն: Ապահովագրական գումարը պետք է կազմի 30.000 եվրո
- գործող ճամփորդական անձնագիր, որը պետք է վավերական լինի վիզայի վերջնաժամկետի ամսաթվից հետո ամենաքիչը երեք ամիս: (Անձնագրում պետք է լինի առնվազն երկու դատարկ էջ, իսկ վավերականության ժամկետը չպետք է գերազանցի 10 տարին)

Այս հուշաթերթիկի բոլոր տվյալները հիմնված են այն գրելու պահին դեսպանության ունեցած տեղեկությունների և վերլուծությունների վրա, ուստի դեսպանությունը չի կարող երաշխավորել հուշաթերթիկի լիարժեքությունն ու ճշգրտությունը հատկապես ընթացիկ փոփոխությունների պատճառով:

Կոնտակտային ընթացիկ տվյալները, ինչպես նաև հեռախոսազանգերի ժամանակացույցը կարող էք գտնել կայքում. <https://eriwan.diplo.de/>

- ճամփորդական անձնագրի տվյալների էջի, ինչպես նաև բացառապես այն էջերի պատճենները, որոնց վրա կան Շենգենյան վիզաներ և դրանց հետ կապված մուտքի և ելքի կնիքներ
- այլ քաղաքացիություն ունենալու դեպքում՝ Հայաստանում օրինական բնակության իրավունքի ապացույց, օր․ կացության իրավունք, որը վավերական կլինի ԵՄ անդամ պետությունից պլանավորված վերադարձի օրվանից հետո ամենաքիչը երեք ամիս
- ցուցահանդեսի տոմսը կամ ցուցահանդեսի տաղավարի վկայականը ինչպես նաև հրավերը
- ուղարկող ֆիրմայի կողմից ծախսերը ստանձնելու վերաբերյալ գրություն և բավարար ֆինանսական միջոցների մասին ապացույց (վերջին երեք ամիսների բանկային հաշվի քաղվածքը)
- անհատ ձեռնարկատեր լինելու դեպքում՝ պետ. գրանցման վկայականը, մեկ պատճեն, և ապացույց բավարար ֆինանսական միջոցների մասին (վերջին երեք ամիսների բանկային հաշվի քաղվածքը)
- դիմողի՝ Հայաստանում ունեցած տնտեսական և սոցիալական կապերի, ինչպես նաև պլանավորված այցի տևողության ընթացքում ապրելու միջոցների մասին ապացույց, մասնավորապես
 - ապացույց դիմողի զբաղվածության վերաբերյալ՝ տեղեկանք ուսման վայրից, ապացույց կենսաթոշակի վերաբերյալ, աշխատավարձի նշումով աշխատավայրից տեղեկանք: Չաշխատելու դեպքում՝ այլ ապացույցներ ապրուստի միջոցների վերաբերյալ (օր․ ամուսնու/կնոջ, ծնողների կամ երեխաների աշխատավայրերից տեղեկանքներ)
 - բանկային **հաշվի քաղվածք** (ոչ տեղեկանք)՝ վերջին երեք ամիսների համար, առկայության դեպքում նաև աշխատավարձային հաշվի քաղվածքը: **Անհրաժեշտ է, որ դիմումատուսն որևէ կերպ ընդգծի/նշի աշխատավարձի մուտքերը**
 - Եթե աշխատավարձի/եկամուտի մուտքը չի երևում բանկային հաշվի քաղվածքից. Հարկային տեղեկանք, վարձու աշխատողների համար՝ դիմումատուի հարկային տեղեկանքը, անհատ ձեռներեցների համար՝ ընկերության / ձեռնարկության հարկային տեղեկանքը
 - սեփականության վկայականները ներկայացնել միայն այն դեպքում, եթե դրանք տրված են վարձակալության: Հողի սեփականության դեպքում՝ ներկայացնել ապացույց այն մասին, որ այն օգտագործվում է գյուղատնտեսական նպատակներով
 - Առաջին անգամ դիմում ներկայացնելիս, կամ եթե վերջին 3 տարում Շենգենյան գոտի չէք այցելել. ամուսնու/կնոջ անձնագրի բնօրինակը և պատճենը, ամուսնության (ամուսնալուծության, մահվան) վկայականը և պատճենը, ինչպես նաև երեխաների անձնագրերի բնօրինակները և պատճենները, անձնագիր չունենալու դեպքում՝ ծննդյան վկայականների բնօրինակները և պատճենները:
 - երեխաների, ծնողների արտերկրում (նաև Ռուսաստանում) գտնվելու դեպքում՝ այդ մասին ապացույց, օր․ տեղեկանք գրանցման վերաբերյալ կամ կացության իրավունքի պատճենը
- անչափահաս դիմողների դեպքում՝ ծննդյան վկայականի պատճենը: Ծնողների համաձայնությունը՝ նոտարական վավերացրած թարգմանությամբ և մեկ պատճեն: Մեկ ծնողի հետ անչափահասի ճամփորդության դեպքում՝ մյուս ծնողի համաձայնությունը՝ նոտարական վավերացրած թարգմանությամբ և մեկ պատճեն:

Դեսպանությունը չի համագործակցում որևէ տուրիստական ընկերության հետ: Դա վերաբերում է նաև դեսպանության անմիջական հարևանությամբ գտնվող ծառայություններ մատուցող գրասենյակներին: Հակառակ պնդումները չեն համապատասխանում իրականությանը: Ոչ ոք չի կարող ազդել Ձեր դիմումի հաջողության հեռանկարի վրա, քանի որ դիմումների վերաբերյալ որոշում է կայացնում բացառապես գերմանացիներից բաղկացած անձնակազմը: Եթե Ձեզ այլ բան են խոստանում, անմիջապես տեղեկացրեք մեզ: